

Cu presencia di Minister Ramon Lee:

Union entre Aruba y Corsow (Antia) a resalta durante celebracion di Dia di Aruba na Corsow



WILLEMSTAD – E union entre Aruba y Corsow y Aruba y Antia a resalta durante di e celebracion di Dia di Aruba na Corsow den fin di siman. Mescos cu na tur otro parti di reino, na Corsow tambe tabatin un celebracion pa e mas o menos 3 mil Rubianonan y nan famianan cu ta biba na Corsow. Banda di esei un gran cantidad di amigo di Aruba for di tur skina di Corsow a haci acto di presencia.

E actividadnan a cuminsa cu hisamento di bandera di Aruba na Misa di Montaña parti mainta. Eina tabata presente tambe pastor Coby Henriquez cu ta oriundo di Aruba. E actividadnan a sigui anochi cu un Santo Sacrificio di Misa na Misa di Montaña, sigui pa



Den e discursonan di minister De Lannooy, minister Lee y diputado Jackson a resalta e acercamento dia pa dia mas intensivo entre e dos paisnan Antia y Aruba, particularmente entre Aruba

aprecia. Diputado Jackson tambe a referi na esei y a bisa cu Aruba ta un ehempel di exito. “No ta pormada cu den e referendum na Corsow a scohe pa un status cu ta por lo menos igual cu Aruba”, asina diputado Jackson a bisa. Minister Lee a pone enfasis riba e lucha pa un status

autonomo cu a cuminsa for di decada 50 y cu a intensifica cu lantamento di MEP (e partido di Lee) na cuminsamento di decada 70. E lucha a culmina na 1986 cu status aparte pa e isla. Segun, minister Lee, Aruba ta sigui carga e bandera di lucha pasobra manera Betico Croes a bisa: “Si mi cai na caminda, sigui carga e bandera di nos isla”. Pa sigui carga e bandera aki union ta necesario, asina e minister di Aruba a bisa. El a duna sosten tambe na e lucha di Corsow pa un status autonomo den reino.

Na e ceremonia e conocido cantante di Aruba, Dhaddy Brokke a canta himno di Aruba



compaña pa e grupo di Vicente Kelly y Los Pimentosos. E grupo a bin specialmente for di Aruba pa celebracion di Dia di Aruba na Corsow. E fiesta despues a sigui te den oranan lat di marduga. Tambe tabatin presentacion di e grupo di Corsow Quality One. Na entrada tabatin benta di

Ta di tres aña consecutivo cu Grupo Social Divi Divi a organisa celebracion di e dia aki na Corsow. E actividad di e aña aki cu a tuma luga na Villa Maria na Scharloo a crece tanto pa loke ta trata asistencia como intensidad. Por lo general e pensamento ta cu tabatin masha bon



productonan relaciona cu Dia di Aruba y tambe e famoso bebida Rubiano Coecoei. Tur hende cu a bai e fiesta a haña un cerbes cu tabata cortesía di Cerbes Balashi. E sorpresa di anochi tabata un vuurwerk cu e conocido Heroudini a regala comunidad Rubiano na Corsow. Por cierto un gran cantidad di sponsor a haci e actividadnan di diasabra posibel.

ambiente y cu lo mester sigui traha duro pa duna e actividad aki un luga importante den itinerario di actividadnan na Corsow. Grupo Social Divi Divi sigur por mira bek riba un bunita actividad.

E potretnan ta duna un bista di e diferente actividadnan cu a tuma luga diasabra ultimo relaciona cu Dia di Aruba na Corsow.



un recepcion y fiesta bailabel. Na e actividadnan a asisti prome minister interino di Antia, Ersilia de Lannooy, secretario di estado Noris Gomes, diputado di cultura di Corsow Dennis Jackson y minister di cultura di Aruba Ramon Lee. Tambe tabata presente e futuro prome minister di Antia, Emily de Jongh-Elhage.

y Corsow. Minister De Lannooy por ehempel a referi na e acercamento riba tereno comercial pa cua ta traha awor aki riba un concepto di comercio liber entre e dos paisnan. E la muestra tambe riba e sosten cu Aruba ta dunando e islanan Antiano den realisacion di nan futuro status constitucional, algo cu Corsow y Antia sigur ta

